

TENTAMEN PATHOLOGICUM
 INAUGURALE,
 D E
 MORBORUM SEMINIIS,

Q U O D,
 ANNUENTE SUMMO NUMINE,
 Ex Auctoritate Reverendi admodum Viri,
 D. GULIELMI ROBERTSON, S.S.T.P.
 ACADEMIÆ EDINBURGENÆ PRÆFECTI;

NEC NON
 Amplissimi SENATUS ACADEMICI consensu,
 Et nobilissimæ FACULTATIS MEDICÆ decreto;
 PRO GRADU DOCTORIS,
 SUMMISQUE IN MEDICINA HONORIBUS ET PRIVILEGIIS
 RITE ET LEGITIME CONSEQUENDIS;

Eruditorum examini subjicit
 ALEXANDER M'LENAN,
 SCOTO-BRITANNUS.

Prid. Id. Junii, hora locoque solitis.

EDINBURGI:
 Apud BALFOUR et SMELLIE,
 Academiae Typographos.

M,DCC,LXXVII,



ALEXANDRO GRANT,

ARMIGERO,

Mercatori Londinensi,

Viro nemini probis, nemini ingenuis moribus secundo,

Avunculo suo

In primis et jure caro,

Utpote qui summa benevolentia se

Summo amore, liberalitate, et

Pietate, paterna

Nunquam non amplexus fit,

Has paginas, primum suum

In re medica ausum,

Caritatis tantae testimonium,

Et grati animi monumentum,

D. D. C. q.

ALEX. M'LENNAN.

THE OROGRAPHY

OF THE

WEST INDIES

BY

W. COLLYNS

Mr Collyns from

his most humble

The Author

TO

THE

ROYAL SOCIETY

OF LONDON

IN

THE

YEAR

1784

TENTAMEN PATHOLOGICUM,

INAUGURALE,

DE

MORBORUM SEMINIIS.

CORPUS humanum vivum e materia partibus pluribus in organa compositis constare, cum principio vivo, seu anima, conjuncta, ipsum adficiente et ab eo rursus adfecta, videtur. Quod principium vivum, cum per se separatum a corpore agere posse, ratio et omnis philosophia sanior rejiciat; ideo utrumque necessario conjunctum ab altero mutuo pendere, et a potestatibus externis, in utrumvis directis, affici credendum est. Quomodo conjungantur ut ignoramus, ita pro certo conjungi intelligentes, causam ad rerum Fabricatorem referimus. Verum, quamvis corporis cum principio vivo

A

con-

conjunctionem et causam ejus ignoramus; tamen humanum, ut et alia corpora, rerum legibus communibus parere, certasque illius conditiones, ut bene se habeat, propriisque suis actionibus rite fungatur, necessarias esse, novimus. Similique modo, in suis orbitis ut certis spatiis moveantur, et meatus debitos peragant, corpora coelestia, certo inter se spatii intervallo diducantur, certam materiae copiam possideant, et certa velocitate ferantur, necesse esse, constat. Id enim motus et gravitatis leges requirunt, licet prima necessitatis causa, hujusque cum effectibus ultimis nexus, nesciatur.

Pro concessio igitur, corpus et principium vivum necessario conjungi, mutuoque alterum ab altero pendere, assumpto; certas utriusque, seu uniuscujusque conditiones, ita inter se connexas, certumque harum statum communem ita libratum esse, ut corpus vivum maxime sanum sit et optime valeat, ponemus. Qui tamen conditionum status, sic perfectus et absolutus, rarissime mortalibus accidit, et e contrario ab eo aberrationes

tiones et inclinationes, aliae corporis actionibus necessariae, sed citra morbi modum consistentes, aliae ad hunc assurgentes, plurimae et variae incidunt. Quarum quae intra morbi modum consistunt, conditiones sunt, per quas a potestatibus, ei alioquin nocere non valituris, corpus morbo implicatur; sed, amotis istis potestatibus, morbi expers perstat. De his igitur conditionibus, quibus corpus humanum morbis opportunum fit, iisque potestatibus, sive extra corpus, sive intra agentibus, quae conditiones faciunt, id est, de Seminiis morborum et horum causis, in hac disputatione agetur. Sed, quoniam eae conditiones seu seminia, a statu maxime sano aberrationes, ut dictum est, vel inclinationes, sunt; igitur ad has clarius intelligendas, quid status, maxime sanus, seu sanitas absoluta, sit, prius dicendum est, quam de seminiis agendum. Igitur,

Quid sit sanitas absoluta,

Ut paucis dicatur. Sanitas, talis qualis relata est, is conditionum corporis vivi status est,

4 DE MORBORUM SEMINIIS.

est, quo omnes et singulae ejus partes, constantia quadam et vigore, ad omnes actiones, siue communes, siue singulis proprias, quae ab omnibus aut singulis instrumentis peragi ab initio decretae sunt, fungendas et peragendas conspirent. In quam sententiam Hoffmannus, “ Ita quoque,” inquit, “ robusta natura, corpusque firmum habendum sit illud, ubi efficacia motus, tam in actionibus naturalibus, quam vitalibus et animalibus, vivida se exferit. Vigent autem animales functiones in iis, qui mente et corpore duos, etiam labores ac diuturnas fatigationes sine noxa sustinere possunt; ac vitales et naturales vigent in iis, qui pulsu gaudent magno, pleno, ac robusto, bene appetunt, degunt ac egerunt, et solida habent corporis membra, neque facile animo moventur, aut a causa quadam externa laeduntur.”

Haec sanitatis absolutae notio nostra est. Unde eam rarissime cuivis contingere, et, ubi continget, brevissime decedere, siquidem actiones quaedam ipsius corporis necessariae ei parum conveniunt, apparebit. Necessariae

riae istae corporis actiones eae sunt, quibus id crescit, consistit, consenescitque; quae actiones crescenti corpori, et consenescenti necessariae, sanitati tamen perfectae minus convenient, eae haud obscurae sunt. Nec dubium est, quin illis temporibus, quam eo, quo corpus *ακμῇ*, seu constitutionem maturam, adeptum est, morborum plus periculi sit. Sed, neque haec aetas expers seminiis est, ut gravissimi tum quoque morbi incidentes argumento sunt. Nam, licet incrementi et decrementi actiones propriae non eo tempore noceant, tamen aliunde, puta, a mala ab initio conformatione, item prioris vitae aut praesentibus casibus, nunc quoque seminiis causae nascuntur. Eoque nullo vitae tempore non alicujus, e magna morborum caterva, periculum est. Sed de seminiis ita judicandum, prout a sanitatis proposito modulo plus minusve recedant.

In quo corporis partium statu sanitas posita sit.

Proposito sanitatis modulo, in quo corpus constituentium partium statu illa sita sit, de-

6 DE MORBORUM SEMINIIS.

deinceps acquirendum est. Prius vero, quam hoc aggrediamur, quae corpus constituent partes necessario explicandum.

Hae primo conspectu in genus nervosum, ex quo sensus et motus pendent, in firma, formam, texturam, et instrumenta praebentia, et in sanguinem, unde ut a communi origine universi alii humores profluunt, dividendae videntur. Sed hae ipsae partes, sic ab omnibus, et recte distinctae, ita tamen inter se conjunguntur, et, ab alia alia, pendent, ut de nulla sine reliquis verba fieri possint. Nullum mutari, non mutatis reliquis, concipi potest. Proponatur prima, nempe genus nervosum, in exemplum, quo hoc illustretur. Certe genus nervosum, sine firmis, cohaesionem, tensionem, et firmitatem ei dantibus, nullatenus agere potest. Ita ex febre convalescens, licet cerebri vigor magna ex parte redierit, tamen, dum flaccidi et laxi muscoli pendent, languetque sanguinis circuitus, movere se bene aut valide agere nequit. Qua in re non tam potestas
nervo-

nervosa, quae integritatem suam magna ex parte recuperavit, quam firmorum simplicium, nondum debitam firmitatem adeptorum, status, et deficiens, per fibrarum muscularium vitium, sanguinis motus, accusanda sunt. Immo, actiones ipsas animales, cum firmorum corporis statu connecti, ab eoque pendere non dubitamus dicere. Vide de hac re quid Hoffmannus dicat, “Id,” inquit, “convenit cum experientia: Nam videmus qui e morbo mox convaluerunt, qui ex immodicis sanguinis profusionibus vires amiserunt, ad terrorem non modo et animi affectus valde esse proclives, sed et a frigore, vel ab intemperato cibo et potu, gravissime laedi, et doloribus, spasmodis, et anxietatibus corripi.”

Cui non animadversae sunt notabiles illae a pueritia prima ad extremam senectutem mentis mutationes? In pueritia facilius impulsus mens recipit, cupidius et vehementius, sed parum ordine aut valide, agit. Contra, eadem in senectute non solum aegre impulsus recipit, sed inde exorientia opera parum perficere potest. Priores impulsus diutius
qui-

quidem, sed imperfectius, retinet, et simplicia opera exercere potest; complexiores vero, ut rerum affinitatum et discriminum judicium, reminiscentiam, memoriam, et imaginationem, non potest. Aetas media et matura his extremis quoque media est. Impulsus mentis non tam facile quam in pueritia, sed accuratius, constantius, et effectū permanente magis, capiuntur. Denique, non mente solum, sed et corpore, perfectius hoc tempore homo est. Qua tota in re firmorum, primo aevo mollitiae, postremo rigore peccantium, medio haec extrema temperantium, status potissimum, saltem quodammodo, in causa est. Contra, firmorum corporis statum a nervoso genere pendere, aequè manifestum est. Ita, ineunte typho, quem noxae sedantes, cerebri et nervorum actionem imminuentes, manifeste faciunt, languor, lassitudo, inertia, et motus paulo majores omnes impotentia incidunt; denique omnes corporis actiones, sive animales, sive vitales, sive naturales, imminuuntur. Cujus affectus praecipua causa est potestatis nervosae status;

si-

liquidem, sine ulla firmorum, humorum ulla, mutatione, ex solo generis nervosi affectione, quam causae remotae inferunt, febris propria incidunt.

Verum, neque firma simplicia, neque genus nervosum, sola adficiuntur. Quorum utrisque necessarius sanguinis circuitus est. Sine quo neque cerebri et nervorum actio rite procedit, neque reliqua corporis firma a nervorum actione affici possunt. Quam vero cerebri actioni necessarius sanguinis circuitus sit, hujus liberiolem detractionem saepe sequens syncope ostendit. Rursus idem sanguinis circuitus a cerebri actione, per nervos ad musculares cordis et aliarum potestatum, sanguinem percitantium, fibras demissa, pendet. Hinc, noxis sedantibus, cerebrum et genus nervosum adficientibus, aequae, ac imminuta, quam sanguis dat, tensione, syncope inducitur.

Ex his omnibus, corpus vivum omnibus suis partibus adeo arcta et mutua copula illigatum connecti, patet, ut, in quam partem quaeque potestas, mutationem efficiens, agat,

aut causaene in corpore latentes, an externae quaevis, quae in corpus egerunt, hoc mutant, saepe difficile dictu est. Ad summam hoc tantum constat, corporis conditionem, quae sanitatem continet, in mutuo illo generis nervosi, firmorum, sanguinisque nexu, consistere.

Quo autem modo, aut quare, is nexus, ea conditio, quam alia quaevis, sanitati magis congruat, non scientia comprehenditur, sed experientia et observatione addiscitur. Ejusdem vero constantia illam causae et effectus ordine procedere, fidem facit.

Sic igitur, experientia et observatione adducti, generis nervosi sanitatem in ea sentientium nervorum finium conditione, qua impulsus justo gradu, facile, accurate et clare recipiant; in ea nervorum inter partem impulsam et cerebrum, qua illi motum, ab impulsibus coeptum, libere trajiciant; in ea cerebri, qua hunc motum recipiat, impulsus gradum modumque percipiat, novumque motum, quem voluntas sequatur, excitet; in ea denique aliorum nervorum, inter ce-
rebrum

rebrum et partem ex voluntate movendam patentium, qua ad fibras, partem moturas, motum, in cerebro excitatum, perferant; postremo, in ea fibrarum ipsarum, qua demissum motum recipiant, actionemque ex voluntatis praescripto, partis movendae motui necessariam, alacriter et valide peragant, positam esse dicimus. Prima hujus seriei pars, seu nervorum sentientium extremorum, et ad cerebrum euntium, ipsiusque hujus, conditio, qua impulsus persentiuntur, sensibilitas; cerebri dein, qua voluntas aut cogitatio fit, potestas animalis; postremo, ejusdem cerebri, nervorumque inde ad musculos movendos pertinentium status, quo motus fit, irritabilitas nominantur. Hoc in loco requiri potest, omnesne corporis in sanitate motus voluntati pareant? Post certum temporis spatium quidam, ut vitales, non videntur. Verum, cum quibusdam hominibus, etiam in hos qui minime voluntati parere, creduntur, ut cordis motum, potestas fit, ideo ineunte saltem vita, omnes voluntati subiectos, sed, postea per consuetudinem, et, quia
 animo,

animo, sed parum conscio, pareant, hujus in eos imperium magna ex parte perire, nobis verisimile est. Sanitas igitur in generis nervosi conditione relata ita consistet, ut ei conditioni, idonea duarum aliarum partium addita, requiratur.

In firmorum sanitate exponenda, sanitati maxime conveniente conditione; qualia firma memorentur, haud dicto opus est; siquidem hoc nomine tam viva quam simplicia, nisi quod illa eatenus tantum, quatenus ut simplicia considerantur, comprehenditur. Eorum igitur sanitas in debito densitatis, cohaesionis, et roboris gradu posita est; si huc tensionem addas, quam ab humoribus per ipsa vasorum forma fluentibus accipiunt.

Humorum sanitas in copia, qualitate, et tenore, cursus idoneis consistit. Copia est, qua varia firma, et maxime vasa, distenduntur, et sic generis nervosi status afficitur. Qualitate, mixturam et partium componentium proportionem respiciente, secretiones magis minusve idoneae, excretiones abundantiores aut parciores, fiunt. Denique, humorum,

morum, hac aut illac magis fluentium, tenor ita reliquum corpus afficit, ut ejus causa non ex sanguine esse, sed a firmis et genere nervolo pendere, recordanda sit.

Totius igitur corporis sanitas, sic, ut nunc explicatum est, in generis nervosi sensibilitate, irritabilitate, potestate animali, item firmorum densitate, cohaesione et robore, denique sanguinis copia, qualitate, et circumfluendi modo, debitis, consistit. Hae corporis conditiones, vitae necessariae, quod ad valetudinis statum, vel potius gradum, (nam non hic de justis morbis agitur), attinet, vel in partibus vel in toto corpore, in extrema ire possunt. Quibus aut conjunctim aut separatim inter se, et cum valetudinis gradu, cum singulis conjuncto, comparatis, sanitatis modulus solum constitui potest. Cujus judicium nostrum clarius et certius erit, cum ad eas corporis conditiones, quae morbos, vel in hos opportunitatem continent, conferatur. Quid inter sanitatem et morbos intersit, adeo omnibus notum est, adeoque simul a proposito nostro alienum, ut de eo
tacendum

tacendum judicem; eoque magis, quod solas illas conditiones, quae potius opportunos morbis homines reddunt, quam quae morbos ut causae continent, exequendas, suscepimus.

Communis corporis status, qui a conditionibus tribus, quae fufius jam relatae sunt variae conjunctae, pendet, ab antiquis temperamentum nominatus est. Varia et multa apud illos temperamenta erant. Quorum duo tantum certius discernere possumus, quibus caetera omnia media sunt.

Cumque nota duo extrema sint, ita quo penitus intermiscantur, eo propius ad sanitatis modulum effectus eorum accedit, et quo puriora sunt, eo remotior ab illo modulo corporis status erit. Alterum eorum sanguineum est; cujus notae propriae sunt, firmitas, laxitas, flacciditatem et debilitatem sub se comprehendens, sanguinis, prae firmis copia magna, sensibilitas, et irritabilitas, vel generis nervosi ordine, constantia, et vero aberrans, mobilitas. Quae notae in mollium partium
mollitie

mollitie et succorum abundantia, pilorum et capillorum candore, teneritate, et raritate, genarum rubore, totiusque corporis tensione, apparent. Alterius temperamenti, nempe, atrabilarii, contraria omnia sunt. Firma ad rigorem et firmitatem nimiam vicina sunt. Humorū prae firmis penuria est. Generis nervosi pro sensibilitate stupor, pro irritabilitate torpor, est. Quem corporis statum pilorum omnium durities et crispatio, totius habitus siccitas, macies et pallor, impulsuum recipiendorum minor habilitas, motuum tarditas, sed cum vigore et ordine constantia, declarant.

Cum haec igitur prorsus inter se contraria et extrema temperamenta sint, inde corporis statum, minime morbis obnoxium, illis medium esse, patet.

Verum, praeter communem corporis statum, partium aut instrumentorum ejus singulorum status respiciendus est. Horum affectio propria idiosyncrasia dicitur. Quae, cum omnes partes ita inter se consociantur, quamlibet adficiens, omnes adficere potest.

Quod,

Quod, licet ita sit, nihilo tamen minus partium conditiones, seu idiosyncrasiae, sine communibus corporis indiciis, aut notis certioribus, incidunt. Earundem nullus corporis locus expers est; ut omnes dinumerare supervacuum sit. Ostendet autem maxime sese idiosyncrasia, partem aliquam propria quadam sensibilitate aut irritabilitate, qua illa unius generis impulsus, quam alios facilius recipiat, adficiens. Ita nonnulli ovillae odore anima deficiunt; validique homines supra aut infra purgantium medicamentorum dosibus, multo imbecilliores lenius affecturis, vehementer commoventur *.

Humores quoque, in aliis hominibus alii variantesque, ob fermentum forsan aliquid eos adficiens, idiosyncrasia adfici possunt. Ita in hominibus victu ex genere plantarum, quam ex carne parato, habitis, fermentum tamen putridum, ut humores magis alkaliscant, efficere potest †.

Porro,

* Mackittrick on Idiosyncras, p. 69.

† Cul. Mat. Med. p. 21.

Porro, praeter morborum seminia, quae temperamenti aut idiosyncrasiae labes infert, alia a corporis forma aut conformatione subnascuntur. Quae a sanitatis modulo deflectentes, quo modo ad morbos viam sternant, facile conceptu est. Quis, quaeso, cervicem longam, humeros rotundos, thoracem compressum, extrema breviora, trunco longo, non phthisis pulmonalis periculum facere, novit?

Quae sint morborum seminia demonstrato, eaque in temperamento, in idiosyncrasia et in conformatione mala, consistere indicato; quae eorundem causae sint, deinceps ostendendum. Eae autem ab auctoribus nunc pro seminiis causis, nunc pro potestatibus nocentibus, prout paulatim magis ac lenius, vel subito et vehementiore vi, agant, haberi consueverunt. Quas tamen nos tantum, quatenus seminiis causae habendae sint, memoraturi sumus.

C

SEMINI-

SEMINIORUM CAUSÆ.

Quatenus eadem res feminiorum causae sunt, ad haec capita,

1. Conformationis congenitae,
 2. Ætatis,
 3. Sexus,
 4. Coeli,
 5. Vitae generis, et
 6. Morborum pristinorum,
- referendae omnes videntur.

CONFORMATIO CONGENITA.

Conformatio congenita, ut causa, omnes conditiones, in quibus morborum feminia sita esse dictum est, comprehendit. Illa temperamentum, illa idiosyncrasiam, illa corporis formam facit. Et, quamvis haec per alias causas propositas, flecti, immo magna ex parte mutari, possunt, ea tamen unius illius vis est, ut per omnia vitae tempora plerumque clarissimis notis discernatur.

Quin

Quin et ab eadem oriens feminium morbosum alias adeo valet, ut non solum sine ulla causa concurrente, verum etiam cum corporis leges coelique et vitae ratio, ita illam respiciunt, ut ad ei medendum pertineant, morbus tamen incidat. Prioris casus hoc exemplum esse potest : Pueri eodem tempore nati, eodem ritu educti, corporis tamen communi et partium conditione, toto coelo differunt, et per omnia a pueritia ad senectutem tempora differre perstant ; ita ut alius omnibus temperamenti sanguinei notis per omnem vitam, cum idiosyncrasia et peculiari corporis formatione, insigniatur ; alius omnibus temperamenti atrabilarii indiciis, cum alia idiosyncrasia et conformatione diversa, distinguatur ; alius, sine idiosyncrasia, sine conformatione propria, ad unguem factus et bene formatus, neutro temperamento puriore, utroque commixto et composito, praeditus sit. Qua in re, quantum contra omnes potestates alienas congenita conformatio valeat, clarissime intelligitur. Quod ad posteriorem casum attinet ; morbi quidam, quorum in
 numero

numero podagra est, in labe quadam, a parentibus ad prolem translata, nascuntur. Podagra vero non solum ab hac labe nascitur, sed ab aliis seminii causis, quales venus immodica, ebrietas, quietum vitae genus, et proVectam aetatem comitans atonia, sunt; quandoque, sine labe haereditaria, saepius cum hac, etiam acquiritur. Quamvis igitur, ut novimus, plerumque is morbus, seminii causis labi congenitae additis, et rarius sine his, nascitur; tanta tamen aliquando labis vis est, ut, vitatis summa cura illis, etiam ante solitum tempus a sola labe morbus inferatur.

Æ T A S.

Adeo temperamenta flectit aetas, ut hæc, diversis vitae temporibus, ita quasi commisceantur, ut quid ab hoc, quid ab illo, ceu a causa effectus, profluat, difficile saepe judicatu sit. In pueritia plerumque temperamentum sanguineum plus minusve cernitur. Istic aetatis firma laxiora, humores abundantes, exquisita, parum claro iudicio, sensibilitas, mobilitas

tas magna sunt. Quae notae, ut supra relatae, temperamentum sanguineum discriminant.

Praeterque eas, caput et cor, prae reliquo corpore, grandia, arteriae prae venis plures, majores, laxiores, pleniores, sunt. Qui corporis status unicuique animanti crescenti necessarius videtur. Per magnam sensibilitatem corporis partes facilius stimulantur, et prae caeteris arteriae. Per harum laxitatem plus sanguinis iis recipitur, alimenti plus adplicatur, et corpus quoque morbo opportunum fit. Quo autem modo fiat, maxime si primigenitorum flaminum status cum illo concurrat, facile est cernere. Quod pueri, adeo dentitione male habentur, id corporis statui, adeo sensibili, ut modica dentium, gingivas percidentium, irritatione sic adficiatur, acceptum referendum est.

Progresso incremento, et mutatione insigni facta, adolescentia inchoari dicitur. Haec in majore corporis plerumque tensione, resistentibus cordi, postquam prae hoc densiores et rigidiores factae sunt, arteriis, consistit.

stit. Venae adhuc etiam pauciores, praeter arteriis et minus capaces, licet non ita, ut antea, permanent. Hinc hoc fere tempore in pulmones et alia viscera humorum impetus convertitur. Sensibilitas minus exquisita, sed iudicii certioris est. Progrediente porro vita, hae mutationes progrediuntur, donec libramen iustum constituatur, aut, ut aliis verbis utamur, donec ad constitutionem corpus pervenerit, eoque minus, quam ullo alio vitae tempore, morbis opportunum fiat. Arteriarum et venarum capacitas, humorum et firmorum copia, aequantur. Humorū ideo qualitas, quia firmorum, ex qua pendet, conditio, optima est. Sensibilitas nimiae et deficienti, irritabilitas torpori et mobilitati, mediae sunt. Verum enim, ut supra dictum est, tot a felice hac constitutione, a solida sanitate declinandi causae, sive ex conformatione mala primigenita, sive prioris vitae casibus pendentes, occurrunt, ut perfectum illum valetudinis modulum incidere, ullamve vitae partem morborum seminiis carere, vix credibile sit.

Qui;

Qui, si incideret, cum ipsae corporis leges, quibus crescit et maturatur corpus, ad hoc tandem deterendum, ac pestremo dissolvendum pertineant, diu permanere non potest. Jam vasorum, humores circumferentium, libramen mutari incipit. Arteriaeque, quae hactenus numero plures et capaciores venis fuerunt, multae extremae deinceps imperviae evadunt ; et reliquae densiores et firmiores factae cordis, quod cum venis multo minus demum et firmum factum est, actioni validius resistunt. Hinc venarum plenitudo et turgescencia, humorum prae firiorum copia minuitur. Hinc corporis siccitas. Iidem humores densiores, et ob salium, quos continent, copiam acriores, fiunt. Quae accredo, eorundem cohaesionem imminuens, quodam tenus densitatis seu liquoris defectum pensat. Firma supra modum rigescunt ; generis nervosi deficit sensibilitas ; degenerat in torporem irritabilitas. Quae mutationis series perstans vitam demum delet, seu mortem, quae dicitur, naturalem adfert. Cujus, quae naturae humanae conditio fragilis est,

pauca

pauca exempla suppetunt ; contraque mortalium plerosque casus morbusve varie ante conficit.

Post *ακμην* quae incidunt mutationes, quo nexu aetas provecta et temperamentum melancholicum inter se conjungantur, quantumque illa ad hoc flectendum et fingendum valeat, ostendunt. Eoque morbi quos faciunt, inter se affines magis minusve sint, quo magis aut minus hae duae causae conjungantur, necesse est. Inclinata vita, eorum canalis alimentarii adfectuum, quos potestas nervosa, tarde et invalide in ventriculum et intestina agens, efficit, potissimum seminium oritur. Quod eo promptius et facilius fit, si ad aetatis effectum temperamentum melancholicum, a flaminibus primigenitis pendens, cujus notae supra expositae sunt, superadditur. Quibus notis, qui medicinae paulo peritior sit, facile aliquis hypochondriacum morbum, qui maxime quaestionis hujus refert, designari videbit. Certe is morbus eo maturius aut serius vitae adparet, quo, ubi caetera paria sunt, id temperamentum

mentum magis minusve subest. His causis concurrentibus, aut seorsim agentibus, apoplexiae, epilepsiae, hydropis, haemorrhagiae venosae, viscerumque et, prae caeteris, tardi venae portarum generis, obstructionum, seminia debentur.

S E X U S.

De tertia seminii morborum causa, nempe sexu, vix alia, quam quae relata sunt, dicenda videntur. Natura, quanquam non perpetuo, alteri sexui alteram constitutionem, maribus firmiorem, validiorem, et robustiorem, foeminis teneriorem, molliorem, et imbecilliores, habitum tribuit. Quod discrimen in nullo animantium genere, quam in homine, insignius est. Temperamenta in sexu ita flectuntur, ut sanguineum in foemineo, melancholicum in virili, exquisitiora sint. Hinc in morbos, his temperamentis magis proprios, proclivitas. Sed ad summam tamen, mulieres officia, iis a natura mandata, pluribus morbis objiciunt.

D C O E L U M.

C O E L U M.

Licet consuetudinis vis coeli effectus imminuat, tamen, ut nemini non notum est, illud corpora nostra miris modis afficit; et sub alio alia temperies non solum corpora incolarum, sed mores quoque, permutat. In calidis regionibus, hypochondriasis aut alii morbi, quibus opportunos homines temperamentum melancholicum reddit, rarius usu veniunt. Quibus, e contrario, quod plurimae observationes et multus rerum usus confirmarunt, eadem loca optime medentur; aestasque maxime non solum sublevat, sed et prope ex toto illos tollit. De qua re plura cognoscendi cupidos, ad ingeniosissimi et prudentissimi viri, praeceptoris nostri, Jacobi Gregorii disputationem inauguralem relego.

VITÆ

VITÆ GENUS.

Vitae genus, seu vivendi ratio, facile duobus capitibus, victu et exercitatione, comprehenditur.

Victus hominis, quam reliquarum animalium, multiplicior. Qui ex animalium pariter et plantarum genere, et partim quoque e fossili, alimenti materiam sumit, dum aliquo horum generum, et alio aliae, reliquae animantes contentae sunt. Multa in corpore humano, ei solitum victum naturalem quoque esse, suadent, dentes dico potissimum, et canalem alimentarium. Alimenti igitur delectus cum communi corporis statui, tum proprio illi, quem idiosyncrasiam diximus, accommodatur; morborumque, aut a temperamentis communibus, aut ab idiosyncrasiis pendentium, seminia proinde flectit. Quam rem fusius tractare quia longum foret, et hujusmodi chartarum solitos fines excederet; ideo, omisso eo, ad alteram hujus capitis partem, exercitationem, transeundum est.

Exerci-

Exercitatio absoluta non est, sed proprium semper corporis flatum respicit. Ejus aliquantum valetudini semper necessarium est. Sed, quanta esse debeat, multa, ut consuetudo, victus, coelum, et alia, dirigunt. Duriiori labori affuetus homo hunc impune fert, otio et desidia effoeminatus minimo delassatur. Lauto victu habitus laborem perfert, cui tolerando parce et tenuiter vivens inidoneus est. Nec quisquam vivit qui plus se laboris frigore, quam calore, tolerare non expertus sit. Unde exercitationem relative tantum nimiam aut deficientem esse patet. Cumque sic aut nimia est aut deficit, corporis conditiones, morbis opportunas, creat. Nimia, sive corporis sive animi, vim nervosam exhaurit, et ab ea pendentes actiones omnes debilitat. Quibus quodammodo similes effectus deficientis quoque edit. Debita et media extremis digestionem juvat, humorum motum et excretionem sustentat. Quibus deficientibus, plethora, nimiam sensibilitatem, irritabilitatem, et obesitatem, gignens, inducitur.

PRIORES MORBI.

Cum semel morbi exstiterunt, eosdem a levioribus, quam primum facti sunt, potestatibus nocentibus renovari, et aliquos, partis alicujus aut organi idiosyncrasia facta, aliorum seminia facere, neminem fere latet. Quin et morborum effectus est, temperamenti statum communem, seu potius habitum, flectere, et sic ad alios viam facere.

Causis supra expositis, consuetudo adjicienda est. Per quam, cum alia plurima, tum morborum reductio iterata aut perseverantia, solam optime explicabiles sunt. Ejusdem quoque, in somni, cibi potionisque desiderii excretionumque post certa tempora reductionibus, vis insignis cernitur. Ita certa hora dormitum ire consuetus, ea difficile vigilare, post eam diu, immo usque ad idem postero die tempus, facile aut sine multo incommodi perseverat. Cui persimilis alimenti desiderii effectus est. Statuto tempore prandere solitus, eo, si bene valet, esurit; quo forte praeterito,

terito, decedit desiderium, nec ante proximi cibi tempus deinceps fere redit. Sed nusquam, quam in quorundam morborum reditibus ceteris, hoc magis apparet. Quae primae febrium intermittentium accessionis causa sit, non audebo dicere. Hoc tamen certum est, postquam febris intermittens semel incidit, ejus accessiones consuetudinis vi circuitibus certis reduci.

Hinc in earundem curatione, non solum diebus, sed etiam horis, quibus repetere consueverint, prae reliquis temporibus, cavendum intelligimus. Cum igitur adeo consuetudinis vis valeat, quod morbi, postquam inciderunt, redire periclitentur, non erit mirandum. Quin et per eandem vim morbi priores novos excitare periclitantur; quod, genus nervosum, firma, humores, aut forsitan omnia simul haec, flectendo, temperamentumque ipsum, saltem huic proximum habitum communem partisve proprium, tangendo, efficere possunt.

Absolutis, quae aut temporis ratio, aut hujusmodi disputationum fines consueti, recepisse

se

le videntur ; quam imperfectum opusculum hoc fit, minime nos fallit. Nec id ex toto ingenii culpa factum est. Ipsum enim, quod tractandum suscepimus, argumentum, adeo obscurum et inexplicabilibus nodis impeditum est, ut, si postquam aggressi sumus, id omittere et aliud eligere in potestate nostra fuisset, certe fecissemus. Quod quoniam non licuit, lectores tamen juveni, paucis hebdomadis confecti, tumultuarii operis errores et secus admissa, condonaturos esse speramus.

Valete, egregii Viri hujus academiae Professores, Praeceptores mei semper colendi, meque voluptatem simul et fructum, quem ex vestris laboribus percipiendi copia facta est, memore animo habiturum pro certo habetote.

F I N I S.

